



UNIVERSITÄTS-
BIBLIOTHEK
PADERBORN

Beneficia Vetera Et Nova, Divæ Virginis Dittelbacensis

Sang, Eucharius

Wirceburgi, 1607

Capvt XII. Horreum Agricolæ ab incendio seruatur.

[urn:nbn:de:hbz:466:1-64129](https://nbn-resolving.org/urn:nbn:de:hbz:466:1-64129)

CAPVT XII.

Horreum Agricolaë ab incendio
seruatur.

Non solum vitam mortalium, sed etiam
fortunas, sibi cordi esse, sub idem tempus,
ostendit Virgo & Mater DEI.

Nebulones aliquot impuri, ibant perditum
agricolas, in vico Albertzhausen; nihilque aliud
animo agitabant, quam vt igne, vel in vnam do-
mum iniecto, omnes incenderent, incolasque, nul-
lo innocentum habito discrimine, ad supremam
egestatem & inopiam redigerent. Itanè homo in
hominem seuit? Nocte igitur quadam accedunt,
nefandum scelus, iam animo coctum, patraturi, &
ignitas sagittas, in cuiusdam horreum frumenti ple-
num (mellis vix abierat) dextrè, sed scelerate, mit-
tunt; haud dubitantes, mox securum incendium,
quod vires eas, cunctis altè sternentibus, acquirat,
vt quotquot somno excitati accurrant, flammam
grassantem restincturi, incassum laboraturi sint.

Vigilabat, ob metum sibi alijsque iam inie-
ctum, ille ipse, cui damnum parabatur; ignemque
in suum horreum inferri cernebat; sed animo timi-
dior, vicinis periculum denunciare non audet; ve-
ritus, nè domo egressus à latronibus plagis afficia-
tur, suasque tutando fruges, extremum vitæ discri-

men

men adeat. Miser inter eiusmodi angustias, rerum-
 que discrimina constitutus, quid agat? Videt peri-
 cula, doletque, ex iam orituro incendio, annui la-
 boris fructum omnem, quasi momento, interitu-
 ram; nec quicquam fore reliquum, quo se, vxo-
 rem, liberosque suos aliat: quo autem modo sibi,
 suisque humanitus succurri queat, non videt. Itaque
 DEVM inuocat ac precatur, vt, qui omnes in or-
 be locupleti manu alit animantes, nocuum præsens
 clementer auertat, ac fruges sudore & al-
 gore conquiritas in sui & familiae alimoniã, à flam-
 ma conseruet. Addit & votum, suæ si audiantur
 preces, se cum votiuo dono ad Sacellum Dettel-
 bacense accessurum, memoremque accepti benefi-
 cij futurum. Res mira. Ignis in horreum missus, nec
 stramen, nec paleas accendit. Naturam nè mutauit
 vnus hominis religio? non mutauit, sed eius re-
 pressit virtutem: ignem non extinxit, sed cum ar-
 deret, vim abstulit. Ruricòla ergò potentiam &
 virtutem Numinis agnoscens, abeuntibus noctur-
 nis conatu irritò incendiarijs, gaudio ipse plenus
 Dettelbachium abit, domicilij & frugum suarum
 seruatrici grates dicturus immortales.

CAPVT. XIII.

Sagitta in fronte vulneratus
sanatur.

Non desinit DEVS, eodem tempore, signis
 ac miraculis, esse munificus in exornanda
 domo Mariana Dettelbacensi.